

景東直隸廳志卷四之一

物產

騶衍子述中國神州推及通谷鳥獸泊夫水土所植物類所珍而仍歸諸仁義節儉猶不貴異物賤用物遺意也景雖邊陲地不愛寶

聖朝正德厚生詠懃沐膏詩不云乎民之質矣日用飲食志物產

穀屬

早稻插於春分後至小暑收名百日穀貧民植以濟荒月者不旬月而盡

白稻插於清明後名早金齒罕有秕者惟多水之處得以早插後所大堤北屯菊河孔雀山開南者吉等處皆是有栽於穀南立夏之後者名遲金齒其沿河兩岸之田率用車塤自收穫後採椿木歷三冬始成一車倘夏初河水俱發沖去車塤田遂乾涸收減半

紅稻插於小滿芒種後

冬稻插於小暑後蓋田高亢必待雨澤始可耕種若連家箐潘家庄蠻賴普安寺老練豆腐二家村蠻窩諸處是也

早稻猓獾種植於山刀耕火種視雨水以為豐歉把  
邊江一帶有之

糯稻大小二種有黃瓜子月裡暈長尾烏嘴數名  
菽有苦甜二種

麥有大小二種

草子米似稷而微細郡夷猓種食之

脂麻 火麻

豆属

紅豆 扁豆 白豆 黑豆 綠豆 蚕豆

豌豆 豇豆 四稜豆

蔬属

青菜 白菜 蘆菔有紅白二種又一種胡蘿

蔔 菠菜 萵苣 樹頭菜 茄

瓠 葫蘆 芋 蕨 筴菜有紅白二種

又一種馬齒莧 蕪 芹菜 胡荽一名

香菜 麥蘭 茼蒿 甜笋 冬瓜 王瓜

南瓜 金瓜色紅不食 苦瓜 金豆俗名紅

豆又名百日豆 薯蕷俗名山药 紅薯

銀板薯 甘露子 秦椒俗名辣子 木耳

白森 蒟蒻可為醬見蜀都賦 香蕈 雞蓼

舊志云雞以形言菱者飛而斂足之貌說木楊慎  
或作蟻蹤以其產處皆蟻穴通雅云又作雞塏以  
六七月大雨後生沙土中或林間松下香味甚美  
土人鹹而脯之經年可食若熬液為油代醬豆其  
味尤美

菌有青頭羊肝胭脂松毛一窩蜂黃羅傘紅羅傘十  
數種 刺菜 石花菜 芭蕉菜  
藤子菜

果属

梅有苦梅塩梅二種 杏 李有荊沙麥熟苦

李等種 桃有紅心白心黃心數種 淨瓶

蕉布子而生本大末銳 羊桃詩名萇楚

菱角 蓮子 藕 藜 棗 栗

核桃 松子 瓜子 木瓜 西瓜

石榴 郁李 香櫟 橘子 柑子

佛手柑 甘蔗 落花生 柿 林檎

花紅 銀杏 梧子 橄欖 山楂

錐栗 茨菰 救軍粮山野彌望綠葉白花紅

子極繁五六月熟酸甘可食

木属 附竹

椿 松有油松杉松細松數種 柏 梧桐

楊柳 楮 槐有黃白二種 栗 棠梨

水冬瓜 梓 羅漢松 桑 皂角樹

無花果樹 棕櫚 榆 檜 樗 桑

紫竹 苦竹 水竹 籠竹 鳳尾竹

江竹 荊竹 石竹

花属 附草

茶花竒甲天下明晉安謝肇淛謂其品七十有二豫章鄧漢紀其十德為詩百韻趙壁作譜近百種以深紅軟枝分心捲瓣者為上 梅花有紅白

二種 桂花 杏花 桃花有絳桃碧桃

夾竹桃數種 李花 梨花 丁香有紅

白二種 海棠 杜鵑有五色雙瓣者永昌

蒙化多至二十餘種 萱花 梔子

佛桑有五色 芙蓉有深紅淺紅二種 茉莉

苦櫻桃花紅色 石榴有四季開者 繡毬有

紅白紫色三種 紫薇 薔薇有五色者

棣棠 木槿紫者最豔 海紅即山茶自十二

月開至二月與梅同時故一名茶梅 小桃紅

水仙 刺桐一名蒼梧桐樹高數丈花開丹紅

形如鸚嘴俗又名鸚哥花 粉團有紅黃白三種 七里香 仙人掌葉肥厚如掌多刺相接成枝花名玉英色黃紅熟時似小瓜可食 蘭有七十餘種雪蘭色黃香最勝 金剛纂花黃而細土人植以為籬又一種形類雞冠旁多鳳尾草 蓮有紅白錦邊紅白分心諸種 素馨 山野蔓生家園廣植蕊紅花白質秀香清亦有四季開者舊志引南方草木狀所謂耶悉茗也稱其種來西域又滇畧云南詔段素興好之故名通雅 云南漢劉鋹之姬曰素馨葬處生此人故以名之

菊

鳳仙

鷄爪似玉梅花四出

龍爪

鷄冠有高足矮足百鳥朝王數種

玉簪

石竹五色錯雜凡十餘種

秋海棠

剪紅羅

魚子蘭

罌粟

扁竹類萱花一名菘蔥花

山礬

十姊妹

西番菊

西番錦

金盞銀臺

旬日葵有蜀葵冬葵

長春

仙鶴花宛如飛鶴

蒲草用以織蓆

象鼻草

魚眼草

虎掌草

菖蒲

火草

筆管

草

蘆

藥屬

茯苓 何首烏 香附 川芎 柴胡

乾葛 土人葎 土黃連 石菖蒲

土牛膝 黃精 澤蘭 薑黃 水木通

紫蘇 荊芥 薄荷 益母草 谷精草

金銀花 車前子 枳實 史君子

草麻子 枳殼 陳皮 石膏 石風丹

多生石上能療瘡毒 麝香 莪木 仙茅

羽属

孔雀 鷹 烏鴉 燕 鷓鴣 鴿 鷺 雉

鷓鴣 倉庚一名黃麗 鸚鵡 鸚鵡俗名八哥



鳧俗名水鴨 畫眉 白鷗 鷓鴣俗名水老鴉

拖白練 黑頭公 啄木 鷓 子規一名杜鵑

天白了 雀 瓦雀

毛属

香貓 豹有松根艾葉紅鞋金錢諸種 獐 鹿

兔 馬鹿 猿 猴 熊 獺 九節狸 麝羊

豪豬 飛鼠 竹鼯 玉面狸

鱗属 附介属

鯉 白魚 黑魚 金魚 鮎 鱖 鱧 蟹

龜 鼈 鱗鯉俗名穿山甲 石魚

蟲屬

蠶 蝶 蟬 螢 蟋蟀 蠅 蜘蛛 蝙蝠

蝌蚪 蚱蜢 蜻蜓 螳螂 蝦蟆 蚯蚓 蟻

食貨

鹽詳見鹽政 油有菜油桐油埧油各種 小粉

蜂蜜 黃蠟 者干紙 火麻布 羊肚布織文如

羊肚 娑羅布 葛章